

# إذا أردت أن تعرف مقامك فانظر أين أقامك \_ اعرف قدرك عند الله بمعادلة بسيطة \_ مقطع لازم تسمعه بقلبك

علاء حامد

قذف القلب كما يخصف بالمكان. يعني ايه خسف القلب؟ يقول لي هنا بيفسروا في تفسير جميل اوي. يقول خسف القلب معنا ان ينزل الى اسفل سافلين. يعني ايه وعلامة ذلك - [00:00:00](#)

ان صاحب هذا القلب يصير جوالا حول السفليات والقاذورات والرزائل كما ان القلب الذي رفعه الله يطوف حول معالي الامور بل يصل الى انه يطوف حول العرش لذلك قال بعض السلف ان هذه القلوب جواله - [00:00:14](#)

فمنها ما يجول حول العرش ومنها ما يجول حول الحش يعني الزبالة ايه الكلام دوت؟ يا بيقول عايز تعرف برضه القلب بيتعاقب ولا لا؟ شف اين انشغالاتك اذا اردت ان تعرف مقامك - [00:00:35](#)

انزر اين اقامك سهلا اذا اردت ان تعرف مقامك فانزر اين اقامك. يعني عايز تعرف قدرك عند ربنا سهل جدا. شف بماذا شغلك الله ما الذي يشغل قلبك؟ ايه اللي يومك بيستهلك فيه - [00:00:51](#)

ايه اللي حياتك بتدور حواليه اذا وجدت نفسك حياتك بتدور حوالين تفاهات مع تفاهات مع هبلات مع حاجات ما لهاش قيمة هو ده مكانك هو ده قدرك. اذا وجدت نفسك فعلا وانشغالك بامور عزيمة معالي الامور. وقت حياته كلها مسلا في خدمة الفقراء. بيصحى وينام بي فكر في الموضوع دوت - [00:01:07](#)

ويسعى ويجيب ويجمع زكريات ويجمع شنط ويروح لبيت وينزل لبيت ويمكن ما يحسش بنفسه يوم ويخلص ما شافش عياله بسبب انهماكو في قضايا المسلمين وهمه بالفقراء. في واحد همه في الدعوة. دماغه كلها ما بتفكرش في الموضوع دوت. يفكر هيتكلم ده ازاى وبتاع - [00:01:28](#)

وفكرة دعوية جديدة. طب نجمع الشباب طب اعمل مقطع طب اعمل درس. طب ما انا اعمل آآ فيه فكرة وتليفونات وواتساب وبيعت رسائل ويكلم ده دوت ويفكر ده بالله ويصحى ده الفجر. دماغه كلها في الحتة دي - [00:01:45](#)

ما بيطلعش من هنا تيجوا يتكلموا في اي موضوع مسلا دنيوي ماشي ماشي تمام تمام. هو عايز مش آآ هو مش مركز معك في الحتة دي. ماشي ماشي. تاكل ايه؟ اي حاجة. عارف انت الناس بتوع اي حاجة دول - [00:02:00](#)

حلوين كويسين جدا في ناس حياتهم كلها في فيديوهات الطبخ يا جماعة. ما بيطلعش من هنا وبيتفرج اربعة ثلاثة وعشرين ساعة ونص على فيديوهات طبخ ونص ساعة بيعمل بيض بالبطرمة. ايه مش كده طب ما انت في الاخر هتعمل بيض بالبطرمة. كان ايه لازمة كل الفيديوهات ديت؟ انت - [00:02:11](#)

يا حبيبي غلبان ما عكش تعمل ما لكش دعوة بالناس ديت. ده حرق دم. يعني يعني انت في الاخر هي بيض بالبستر. فيعني خلاص يعني ده انت لو عملت يوم - [00:02:27](#)

فراخ بانیه بتبقى تسجل فيديو لنفسك فلوج يا جماعة عملت فراخ بانیه النهاردة. طالما اخرك فراخ بانیه او بيض بصطرة ما ليش دعوة بتتفرج على ثلاثة وعشرين ساعة. حرق الدم - [00:02:37](#)

تم في في ناس فعلا كده في ناس ممكن يقعد على فيديوهات وشوية فلوجات وشوية آآ ريلز وشوية شورس وشوية مش عارف ايه ممكن يقعد في اليوم اكرت عشر ساعات - [00:02:47](#)

الحتة دي بس كده ساعات فعلا ساعات مش بهزر. يعني واحد فينا ممكن مسلا يقلب كده تقريبا ممكن تقعد معه دقيقة او

دقيقتين بعد كده يقلب بس يوم ما يبقى مغفل ولا - [00:03:00](#)

في ناس بتقعد ساعات ممكن يقعد ساعة قبل ما ينام في الحتة دي ممكن ساعتين على السرير في الموضوع ده متخيل؟ ممكن كده

يقعد على كنبه كده على جنب يقوم بعد ثلاث ساعات ما بيعملش اي حاجة - [00:03:17](#)

واحد كده يوم ما ايه يعمل حاجة مهمة قوي بيلعب صبوي ولا فاهم ازاي؟ بيخش بقى يجمع شوية جزر في اي لعبة ولا بيعمل اي

حاجة. فاهم ازاي؟ ماين كرافت اي ربي فراخ - [00:03:32](#)

هنا فدي الحياة وبعد كده ياخذ بقى يخويه بتحليلات الكورة بتاعة اليوم كله من اوله لاخره. الدوري السنغالي حصل فيه ايه؟ فاهم

مدرّب الاندونيسي زعلان من المدرّب الهندي حياة بقى هو حياته في في اللالا كده هو مش يومه كله كله في الحتة دي فعلا -

[00:03:47](#)

فيديوهات طبخ على شوية ريلز على شوية فلوجات على شوية هزار على شوية ضحك على شوية فرفشة طبعا صلاة الجماعة

بالسلامة لو صلى اصلا يبقى كويس بتاع هو في الحتة دي - [00:04:08](#)

هو ربنا وضعه هنا لان ده اخرك ده قدرك دي المصيبة. هي المصيبة مش اللي انت بتعمله. المصيبة ان ده انت بيديك زي ما قلنا او او

مؤشر انا فين من ربنا؟ اهو بيقول لك في ناس بتخسر - [00:04:20](#)

بها طبعا ده ده اسوأ منه بقى اللي بيروح فين؟ يتفرج على اباحيات يقلب في فيديوهات قلة ادب يقلب في رابات على مهرجانات

على على حاجات على كلام وممكن هو واحد مسلا ممكن يقعد بالساعات يشات مع بنات او يخش محادثات جنسية - [00:04:35](#)

ده موجود ساعات محادثات جنسية بالساعات تحت خالص ممكن يقعد يتفرج على اربع ساعات اباحية في اليوم خمس ساعات

افلام اباحية اباحية صريحة بقى. عالية كمان انا بكلمك في دركات. فاهم ازاي؟ خش محادثات جنسية بالساعات بالليل. يدور على

يخش يكلم بنات بالساعات - [00:04:54](#)

حوار بقى كبير. سواد كل ما تنزل كل ما يدل ان ده انت بتنزل عند ربنا. بيخسف بالقلب. فيه واحد بقى دماغه كلها زي ما قلت لك

في طلب العلم - [00:05:19](#)

طول اليوم لازم يتعلم حاجة. لازم يسمع فيديو مفيد. اول يوم ما بيدأ بيتدي يحط كده عارف انت بيعمل كده ايه مربعات النهاردة

هقرا عشر صفحات من الكتاب الفلاني. هراجع وردي القرآن. هقرا مش عارف ايه. بتاع يحط حشو حشور ويقعد طول اليوم بيحارب

عشان يخلص - [00:05:33](#)

الليستة دي بس ويخلص يوم ما قدرش يخلص كل احلامه. وينام يوم ما ينام من كتر التعب بينام على طول فما بالحقش يبص في

الموبايل حد ينام من كتر التعب من كتر ما استهلك في وزائف يومية كلها عزيمة ما بين علم وبين دعوة وبين خدمة مسلمين وصلاة

جماعة وشغل ورعاية اولاد وتربية - [00:05:50](#)

الاولاد ومذاكرة للولاد واهتمام بزوجتي. الحياة جميلة عنده. كل يوم يومه كده ايامه كلها كده ايام عزيمة كلها ايام انجازات. كل يوم

بيطلع بانجاز حقيقي في حياته هؤلاء العظماء اللي ربنا جعلهم ايه؟ في معالي الامور. معالي الامور. عايز تعرف انت فين من ربنا؟

شف اين وضعك - [00:06:11](#)

ايه هي اهتماماتك؟ ايه هو اللي ربنا شغلك به؟ هو ده قدرك عند ربنا سبحانه وتعالى. فلو لقيت نفسك في السفلى شوية لأعلي واطلب

من ربنا ينجيك اهتم بمعالي الامور لان الله يحب معالي الامور ويكره سفسفة - [00:06:32](#)